

PSB - Bahagian Arkib

From: Unit Komunikasi Korporat
Sent: Sunday, 4 February, 2018 1:21 PM
To: UUM - All Staff; UUM - All Students
Subject: Majlis Penutup Latihan Kem Tahunan PALAPES Udara



Unit Komunikasi Korporat
CORPORATE COMMUNICATION UNIT
Universiti Utara Malaysia

04 FEBRUARI 2018 / 18 JAMADILAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah

Gambar oleh: Hairul Nizam Zahari

MAJLIS PENUTUP LATIHAN KEM TAHUNAN PALAPES UDARA



UUM ONLINE: Pegawai Kadet PALAPES Udara diraikan dalam suasana meriah pada Majlis Penutup Latihan Kem Tahunan Palapes Udara Universiti Awam 2018 di Dewan Muadzam Shah, UUM, kelmarin.

Peserta dari enam buah universiti awam berada di Universiti Utara Malaysia (UUM) selama 2 minggu untuk menjalani Latihan Kem Tahunan PALAPES Udara Universiti Awam Tahun 2018.

Antaranya, Universiti Sains Malaysia (USM), Universiti Islam Antarabangsa Malaysia (UIAM), Universiti Sultan Zainal Abidin (UniZA), Universiti Malaysia Pahang (UMP) dan Universiti Teknologi MARA (UiTM) Shah Alam.

Majlis penutup dimeriahkan dengan tayangan montaj, pertunjukan menarik dari setiap universiti seperti teater, busking, tarian selain penyampaian cenderahati kepada setiap universiti.

UUM berjaya mempertahankan juara keseluruhan yang dimenangi tahun lalu setelah menjuarai pertandingan menembak, merentas halangan dan karnival sukan bagi acara bola tampar lelaki, futsal wanita dan bola jaring.

Perasmian majlis penutup disempurnakan oleh Pengarah Pasukan Simpanan Tentera Udara, Kolonel Muhammad Shafiq Jahudi TUDM disaksikan Lt. Kol (K) Baharudin Yaakob PSSTUDM, Pendaftar UUM dan Mej (K) Dr. Mutia Sobihah Abd Halim PSSTUDM.

Sementara itu, pelajar Sarjana Muda Pengurusan Kerja Sosial, Nur Shuaida Shakri, 23, mengakui sudah lama meminati bidang ini untuk mengetahui lebih mendalam kehidupan seorang tentera.

“Selalu orang kata askar ni tough, lasak, berani jadi, saya nak merasainya sendiri gambaran kehidupan seorang askar bukan itu sahaja, aktiviti yang dijalankan mampu membentuk diri kita menjadi lebih berdisiplin dan kemas.

Dalam kem ini gadis manis dari Melaka ini diberi kepercayaan menggalas tanggungjawab sebagai pengurus acara yang mengetuai majlis perasmian dan majlis penutupan serta bertekad menjalankan tugas dengan penuh dedikasi.

“Dalam PALAPES, kami perlu bergerak pantas dengan jadual yang padat jadi saya belajar bagaimana menguruskan masa dengan baik begitu juga dalam kehidupan harian, saya sudah terbiasa untuk buat sesuatu dalam keadaan terancang.

“PALAPES juga mengajar erti setiakawan dan ringan tulang, kami dididik untuk membuat kerja sebagai satu kumpulan jadi kami satu skuad saling membantu dalam pengurusan sesuatu perkara,” luah siswi semester 7.

Ujarnya, kem ini berkonsepkan pertandingan agar pelajar bersungguh sungguh dan mengaplikasikan apa yang telah dilakukan dalam latihan di samping memupuk sifat kepimpinan.

Selain itu katanya, kem tahunan ini mampu membina hubungan yang baik kepada para pelajar apabila mereka tamat pengajian kerana menggabungkan pelajar dari pelbagai universiti dan membentuk suatu platun.

“Satu platun ini akan bekerjasama dalam fasa hutan jadi mereka boleh berkenalan dan meluaskan jaringan sosial mereka memandangkan networking sangat penting bagi memudahkan sesuatu urusan pada masa akan datang,” ungkapnya.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my> Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.